

四庫全書

集部

欽定四庫全書

古穰集卷二十二

明 李賢 撰

七言律詩

輓周是脩

先生砥節勵秋霜烈烈英聲遠近揚  
王魏一生功業著夷齊千古姓名香  
梁間夜月遊塵暗塚上秋風宿草荒  
欲問傳家何所有遺編幾卷付賢郎

送海州太守

淮東父老望回旌  
五馬南旋幾日程  
山店鷄聲和月落  
曉村霜氣逼人行  
海瀕地遠民風古  
堂下公閑德政清  
懸想到時春正好  
閭閻隨處頌昇平

送別歸浙

駐馬離亭花亂飛  
傷情忍與故人違  
金臺別酒添行色  
潞渚歸帆帶落暉  
嶺上春風梅子嫩  
山中暮雨蕨芽肥  
謾從浙水經行處  
為訪嚴陵舊釣磯

送練士者回鄧州

疋馬南回歲已秋，離亭分手莫淹留。  
山村月夜鷄鳴早，野樹霜天葉落稠。  
驛路牙旗迎故壘，孤城畫角擁高樓。  
到家盛吐籬邊菊，尊酒親朋樂獻酬。

遊大勝寺賡壁間詩韻

嵐黛迢迢見鷲山，誰將一鏃破三關。  
暫留金界看雲卧，謾倚珠林伴鶴閒。  
煙外鳥依晴嶂下，溪頭僧背夕陽還。  
諸天禮處聞清梵，燈火熒熒紫殿間。

緩步溪行入暮山，欲從佛界息機關。  
半牕明月吟初穩，一榻清風夢亦閒。  
樹杪雲開看日上，籬根花落見春還。  
焚香補衲生涯好，不許紅塵到此間。

曉穿飛翠到靈山，花雨含香洒竹關。  
林鳥不驚馴虎至，溪雲長共老僧閒。  
攜琴客為談玄住，擁蓋人從聽法還。  
鐘磬聲殘脩定後，萬龕燈火綠蘿間。

貝葉傳經向此山，石門煙暖晝長關。  
無生自得周身計，幻化渾如一夢閒。  
春殿香雲諸佛降，夜龕明月定僧還。

百花臺上登臨處回首蓬萊咫尺間

白雲繚繞四圍山十里松陰始扣關石澗風篁偏引興  
雲房清話暫乘閒山頭野鹿銜花至月下高僧洗鉢還  
明發歸程朝雨淨紺園回首翠屏間

送薛少卿罷官西歸

自許孤忠結主知居官寧肯計安危平反不愧張廷尉  
直道何慙柳士師已羨一身中道立定看千載大名垂  
心閑莫廢韋編業伊洛高蹤尚可追

送李參議之浙江

粉署相從近十秋，青春文采自風流。  
鶚書高薦膺藩佐，虎竹初分出帝州。  
寮采漸看青眼少，交游誰可赤心投。  
長情莫為離情惱，還擬鳴珂入鳳樓。

寄夏公謫戍

世路升沈總是空，眼前何必恨途窮。  
青春已盡榮親孝，素節應存報主忠。  
月下寒聲聞戍角，天邊秋色見歸鴻。  
感懷未許多惆悵，心事期同塞上翁。

穰侯塚

秦相當年擅寵光  
空餘孤塚傍金湯  
秋風兔穴通黃壤  
落日烏棲滿白楊  
石馬有聲寒雨急  
豐碑無字綠苔荒  
可憐富貴今如此  
莫訝雍琴感慨長

寒食拜掃

宿草青青郭外墳  
每逢寒食倍傷神  
紙錢灰繞墻間祭  
楊柳花隨陌上塵  
寂寞九原春事老  
氤氲萬井曉煙新  
浮生漸覺光陰少  
往事興懷一岸巾



孟夏書懷

午簾分影上書床  
夢破纔銷一瓣香  
鳥送晴音來灌木  
蝶尋春色過危牆  
命題自覺吟哦細  
罷誦還為念慮防  
與點高情誰更識  
舉興無地遂心腸

觀物

閑來觀物到園東  
天理流行在在同  
方沼雨晴看躍鯉  
層霄雲淨見飛鴻  
春畦苗長隨宜綠  
曉樹花開任意紅  
並育宣明情固適  
還將此道細研窮

和答顧進士孟喬

積學芹宮歲月深  
雲霄今喜合朋簪  
松筠耐守平生節  
鴻鵠寧閒萬里心  
座上論文寒對酒  
指邊流水夜鳴琴  
超遷擬見承恩寵  
鳳尾珊珊振佩音

隱几看書日已中  
牕涵涼意樹陰濃  
捲簾燕避黃梅雨  
隔院鳩啼翠竹風  
一榻芳塵何日下  
百年壯志幾人同  
閑來點檢身心事  
早計惟防外欲攻

送無隱和尚

早通禪教息遊方獨占名山歲月長  
千片暖雲春補衲  
一龕明月夜焚香  
曉簾花雨清金界  
午院松風淨石床  
塵外真空心似水  
叢林無事任徜徉

十四夜賞月

秋容淡淡月華鮮  
萬里青天一鏡懸  
素魄漸從今夜滿  
玉輪爭看九分圓  
嬋娟皓彩寧知欠  
皎潔清光未覺偏  
且泛芳卮先試賞  
明宵此際有詩聯

再賡大勝寺壁間韻三首

珠林瀟洒對青山塵事紛紛自不關  
霜鴈落田香稻熟雨龍歸洞碧雲閒  
客穿松徑尋幽至僧扣柴門化食還  
無限好懷何處遣小橋流水夕陽間

寶刹從來近好山溪頭馴虎護禪關  
竹牕雨過清陰密松院雲深白晝閒  
崖菓經霜獮共摘楓林欲暮鳥知還  
試從老衲談空妙大智燈光滿坐間

郭外招提接遠山煙蘿行盡到荆關  
香凝蒲室禪心定雲鎖松庭鶴夢閒  
晚竈烹茶留客話晴空飛錫見僧還

吟懷頓覺清如洗始信沙門出世間

桃源清隱

高情樂隱覓仙蹤深入巫山第幾重  
洞口有田春種玉  
鼎中無火夜蟠龍  
石潭涼浸蛾眉月  
蘭室香飄麝尾風  
遙想扁舟遊覽處  
桃花夾岸水溶溶

送黃主事弟還家

星霜幾度客神京  
此日歸帆肯暫停  
喜載琴書尋舊侶  
不論蹤跡等浮萍  
月中素練三江白  
雲外屏風九疊青

想到家山行樂處籬邊秋菊正芳馨

贈薛大理先生西蜀之行

西河夫子繼前賢吾道於今賴有傳世態炎涼寧足較  
襟懷風月浩無邊育才自得平生樂報國還看晚節堅  
惆悵胷中茅塞久束脩承教定何年

追思先母

慈母殷勤歲月多一門百口賴調和堂前春暖雙姑饌  
燈下聲寒五夜梭釜祿方期延壽考桑田忽訝變滄波

金匱要略卷二十二  
徒將富貴成哀感，罔極深恩可奈何。

賜五倫諸書

正統年中得賜書，賜來書籍意何如。  
五倫事迹新成類，一代規模已用儒。  
蓋世功名當自致，逢時忠悃要全輸。  
立身不在生前樂，千載相期有令譽。

寒梅賸韻寄友人姜貴憲

松篁為友自相親，弄月迎風楚水濱。  
數點嫩含牕外雪，一枝香散嶺頭春。  
寒分酒力傳盃滿，清挹吟懷得句新。

盛世終需調鼎具遭時豈必竟無因

聞說藏脩惜寸陰獨憐梅樹寄疎林清生院宇春香細  
寒印庭堦月影沈應許老逋吟瘦骨肯教狂蝶見芳心  
孤標未必淹鄉邑青瑣行看振珮音

秦淮次韻

秦淮南盡石頭城淮上帆檣半為名秋浦蓼風歌旅況  
春波萍月棹殘更數行白鴈沙邊落一抹青山岸上橫  
自是名川多滯集滔滔終古見澄清



煙

漠漠紛紛布曉空  
連雲帶霧晝溟濛  
淡籠山市秋天外  
輕鎖漁村夕照中  
寒浦歸帆迷遠近  
晴川飛鳥障西東  
蓬萊宮闕宜春望  
紫翠重重拂絳櫳

冰

水凍冰堅絕點埃  
坤爻初六見胚胎  
寒凝曲沼稜光淨  
夏薦高堂爽氣來  
忠助漢君因霸合  
孝憐慈母為祥開  
高人襟度真堪比  
又見幽風重取裁

塵

非煙非霧掩晴暉  
九陌行人勢莫違  
梁上曾因歌韻起  
驛前長逐使旌飛  
幾番雨打方歸地  
一陣風吹又上衣  
自是甘心雲外客  
纖毫不許到林扉

送平江侯守備南京

龍盤虎踞帝王城  
坐鎮元戎屬俊英  
劍氣夜橫南斗白  
詩才秋與大江清  
賓盈幕府開樽俎  
令肅轅門列旆旌  
累葉貂蟬今愈盛  
又看麟閣著芳名

寄謝張尚書惠薑

故人千里惠鮮薑佳味由來產異鄉  
健谷雨晴紅指潤鴈山春暖白芽香  
贈辛巳得梅君意施幻曾聞左氏狂  
從此神明應不昧報無瓊玖興空長

贈宋都憲鎮守甘肅

都憲襟懷湛玉壺遠參戎務著嘉謨  
夜鳴刁斗嚴諸寨曉列旌旗震萬夫  
異域功名同燕領邊疆威望繼龍圖  
會看沐寵回軒日關外歡聲夾道呼

寄延綏參贊曹少卿

大理榮遷屬俊髦  
指揮戎務見孤標  
明時定展平戎策  
邊寨應傳破膽謠  
烽火靜中吟曉月  
雪花飛處擁輕貂  
海天鵬翮由來健  
此日爭看奮九霄

和于少保書懷

王事關心夜不眠  
孤忠應得聖君憐  
憂勤肯負平生志  
清白還教後世傳  
莫厭錦袍懸玉帶  
曾扶紅日上青天  
一身四海安危係  
未許煙波理釣船

送程參政彥實之山東

簪筆螭頭數載餘，承宣方岳拜恩殊。  
臨城已建平戎策，報國曾陳固本書。  
南浦春風初拂旆，東方甘雨定隨車。  
褰子同受公庭薦，願協丹心拱帝居。

次鄒都憲韻

以下西蜀紀行

曉出都門興已濃，長亭南去蜀川通。  
數行白鴈浮雲外，一抹青山落照中。  
行已但遵先聖訓，濟時須繼古人功。  
平生亦有澄清志，願補中興治道隆。

沙河驛途中

煙景蒼茫望處迷無端詩思謾成題  
荒城夜犬牆頭吠野店晨鷄樹上啼  
驛吏鳴鈴來遠堠行人馳馬渡深溪  
路傍時聽農夫語隴畝收成稼穡齊

早起

霜橫玉宇旅懷清候館鷄鳴月四更  
綠酒自供吟處興黃花偏動客中情  
天邊孤鴈拖秋色城上羣鴉送晚聲  
莫道高人甘寂寞塵寰富貴果然輕

過彰德

霜落楓林九月秋  
山峯馬首翠光浮  
水分白鷺依沙浦  
風引青帘上酒樓  
旅榻燈前懷往事  
吟鞭月下度寒流  
此心自是堅如鐵  
一任砧聲響未休

途次偶成

王事驅馳分所宜  
雲程千里思依依  
菊花香冷迎霜綻  
鴻鴈聲寒帶雨飛  
古渡扁舟隨處少  
遠山落木望中稀  
徐行莫訝前途晚  
村市人家晝掩扉

發泥溝驛

驛樓撾鼓吏人忙一飯匆匆去路長  
分隴晚蕎花似雪連村高黍穗如鎗  
山頭落木嵐光薄道左清渠水色涼  
滿眼紅塵何日淨西風回首意茫茫

衛輝至新鄉

草頭白露欲為霜陌上無塵曉色涼  
點破秋光山外鳥印開雲影路邊塘  
農夫垂老猶殫力賈客多財愈覺忙  
堪笑宦途如此輩功名何用掛剛腸



曉發武安驛

肩輿行處樂如何觸目悠然景物和  
蕩漾沙鷗臨渡少  
蒼茫煙樹近山多  
農夫收黍場中積  
牧豎停牛背上歌  
此景都歸懷抱裏  
幾回得趣謾吟哦

河內鄉村

清陰十里看脩篁  
村市人家倚太行  
屋後分畦葵葉嫩  
門前流水稻花香  
秋林有菜皆堪摘  
春酒無肴亦可嘗  
此地居民真快樂  
他時歸老定難忘

懷慶道中

西來平路入懷州  
楊柳陰陰夾道稠  
翠羽萬竿村內竹  
錦囊千顆舍傍榴  
閑雲低遶青山卧  
活水深穿碧樹流  
滿目秋光渾似畫  
幾時乘興欲登樓

濟源

四面嵐光列翠峯  
懷州西畔有奇蹤  
羊腸路險中原隔  
濟瀆源深北海通  
盤谷高風歸李愿  
太行遺事慕梁公  
我來遊覽逢秋暮  
煙景蕭條落照中

過黃河

曉發河陽古渡頭  
棹歌聲裏過黃流  
柁公已疊風帆坐  
水手還牽竹纜遊  
神禹萬年留偉績  
洪濤千里界中州  
南來却上邙山道  
衰草寒煙塚墓稠

洛陽

西風回首洛陽城  
夕照蒼茫草樹平  
金谷尚思傳酒數  
天津猶憶聽鶉聲  
鶴來邙塚秋宵冷  
花沒名園野蔓榮  
惟有當年瀍澗在  
依然流水不關情

靈寶縣

邑名靈寶自前唐懷古令人遣興長霜滿桃林秋寂寂  
煙橫藥塚月蒼蒼已無紫氣來函谷尚有清風播講堂  
堪笑鷄鳴田氏客曾無仁義說齊王

題函谷關

函關陝右咽喉地曲折縈迴勢自強北倚河流成險固  
南來山峙界封疆令瞻仙氣迎聃老客作鷄鳴救孟嘗  
千載悠悠追往事不堪風景正淒涼

望氣臺

靈寶城南古望臺仙人相遇亦奇哉  
老聃未跨青牛至尹喜先瞻紫氣來  
道德傳時方領悟蜀川逢處又徘徊  
嗟予自是儒門客方外安知有異才

陝州懷古

秋風駐馬陝州城召伯甘棠不見生  
避暑宮中叢木暗望仙臺上暮雲橫  
鐵牛鎮水終難走砥柱中流自不傾  
況此地靈人傑盛姚張何事獨馳名

謁華嶽廟

華嶽巍巍勢獨雄  
層霄削出翠芙蓉  
紅光映日仙人掌  
黛色連天玉女峯  
絕頂泉飛千尺練  
懸崖根固萬年松  
四時賴爾興雲雨  
歷代尊崇祀典隆

華陰懷古

西出潼關到華陰  
油然清興發胃襟  
希夷洞口荒苔合  
玉女峯頭古木森  
捫風憶談當世務  
却金曾愧故人心  
可憐隱顯俱陳迹  
落日風寒起暮砧

和薛大理華山詩韻

太華高峯壓衆山五龍宮殿四時寒雲開翠色飄晴漢  
日映嵐光接曉關空外蓮池當絕頂望中仙掌獻層巒  
奇蹤多少煙霞裏何日登臨得遍看

過長安故城

長安千載故城荒衰草寒煙滿未央廢宅總成芳草地  
寢園一任野花香連村何處藏溫室啼鳥渾如覓建章  
惟有當時原上墓累累猶自對斜陽

和許氏咸陽晚眺韻

咸陽回首暮雲愁  
煙鎖蘆花遠近洲  
古渡馴鷗依短棹  
夕陽歸鳥過危樓  
道傍故苑風霜冷  
原上諸陵草樹秋  
多少英雄俱寂寞  
渭河依舊水東流

題蘇武墓

蘇卿一去鬢成霜  
贏得殘軀入漢鄉  
旄落共憐堅使節  
雪深猶憶牧羝羊  
荒墳草掩斜陽裏  
短碣苔封古道傍  
顧我遠因王事過  
匆匆不及奠椒漿



寶雞縣懷古

閑來訪古對清樽  
暗度陳倉事可論  
尚父釣時磻石在  
張仙遊處道宮存  
玉鷄山上晨啼歇  
紫草原頭晚色昏  
但喜居民農事畢  
任教風葉護柴門

蜀道

峭壁嵯峨萬仞高  
烏江聲急浪花飄  
懸崖棧閣穿雲上  
掛樹猿猱帶雨號  
絕頂振衣秋思遠  
長空回首帝鄉遙  
平生浪說登雲路  
今日身親到碧霄

過漢中

憶昔高皇王漢來故城千載使人哀  
寒煙猶鎖觀星閣芳草空鋪拜將臺  
席卷三秦傳妙算勢推西楚見奇才  
當時不用蕭何策帝業焉能向北開

過五丁峽

五丁峽在漢江西萬仞高峯兩面齊  
鑿斷石崖穿鳥道疏通流水上雲梯  
馬頭惟見千山合澗底都教萬樹迷  
路險不知天色暮金牛嶺畔聽猿啼

保寧往劍州

紀行  
止此

保寧此去劍州程曲折曾無半里平  
曙色漸分村未遠  
鳥聲忽散吏來迎  
雲從落木林中過  
人在高山頂上行  
窮日到來雙旆急  
譙樓過鼓報初更

送勛部陳郎中使朝鮮

初立青宮告萬方  
金章玉節賜傳揚  
日邊特遣皇華使  
海外爭迎粉署郎  
雨霽朝鮮征旆疾  
天連遼海使星光  
遠人拜舞承恩後  
願效葵心向太陽

秋日謾書

殘暑秋來氣尚炎  
喜看微雨過疎簾  
午牕詩就歸清淡  
一枕公餘到黑甜  
此日朝端知止足  
何時林下笑掀髯  
浮雲富貴堪同視  
道在行藏不用占

秋晚

知己交游仕路稀  
短檠燈火閉雙扉  
誰憐高節名長在  
自許孤忠願不違  
聲遠簾櫳蛩唧唧  
涼生庭院雨霏霏  
光陰瞬息驚時換  
千里鄉園有夢歸

再和謾書韻

金令初行已退炎一琴山水坐垂簾竹林帶雨枝還重  
菓實經霜味正甜燦燦黃花娛晚節蕭蕭白髮映脩髯  
人生出處何須慮靜對韋編獨玩占

可畏無如夏日炎涼風俄喜到疎簾煙松結翠尋常潤  
霜柿垂紅分外甜祇向雲途堅大節肯緣詩句斷長髯  
平生自信行無妄睡覺還將吉夢占

要路爭趨氣勢炎獨凭書几靜鈎簾疎慵不較人情暖

淡薄非憎世味甜興趣知濃塵外夢形容看老鏡中髯  
立心肯似脂韋軟龜策何勞鄭尹占

蠢鈍形軀不奈炎偏宜露頂坐風簾高才處世如舟險  
佞口交人似蜜甜几上遺編開睡目琴中流水拂垂髯  
客來忽見平生友好是燈花昨夜占

小牕已減數分炎的是今朝雨一簾立志光陰須寸競  
養生滋味戒多甜思鄉遠望頻回首得句長吟一奮髯  
莫訝著龜成疊疊從來謀事貴先占

又和韻

懶將薄命市頭占，纔到中年便白髯。  
綠蟻酒斟拚一醉，玉漿瓜剖嗜多甜。  
涼聲在戶風敲竹，疎影當軒月照簾。  
可奈夜深渾不寐，小牕燈火究羲炎。

安分何勞把命占，漸看白髮間蒼髯。  
蟬依晚樹吟中亂，蜂採秋花釀後甜。  
霜徑菊香凝綠酒，月庭竹影上疎簾。  
醉來高卧南牕下，不戀人間勢位炎。

和人韻

事業蹉跎可奈何時光轉眼去如梭仕能行義心無愧  
年到知非鬢欲皤菊圃清霜凝細藥槐庭涼月上橫柯  
一簾秋興憑誰遣對酒掀髯發浩歌

再和人韻

秋風畫角起邊城雲路功名嘆未成山鳥飛來青嶂遠  
沙鷗泛處綠波平松庭皓月分清影野寺疎鍾度晚聲  
千里客懷今夜夢鄉園歸去定分明

葱葱佳氣護金城秋思無邊句易成民俗可能敦禮讓



吏心安得尚廉平  
虛庭生白蟬娟影  
四壁催寒絡緯聲  
憂樂敢同先正志  
消埃無補愧時明

萬里秋光接禁城  
無邊清興有詩成  
山浮遠翠千鬟淨  
水滿方塘一鏡平  
煙外長空橫鴈字  
雲邊落日帶砧聲  
閑來不廢韋編業  
開卷偏教眼界明

廿載星霜寓鳳城  
功名回首恨無成  
宦途總謂如山險  
心地惟教似水平  
吟罷月移簾外影  
夢回風動竹間聲  
時人莫羨腰金好  
未有消埃答聖明

畫閣崢嶸錦繡城全燕形勝自天成一簾暮景殘霞淡  
萬里秋光遠樹平塞上風煙迷鴈影月中砧杵雜蛩聲  
從知萬事能窮盡只在靈臺一點明

和寄薛大理詩韻

秋來乘興憶山陰客邸長吟思不禁天外聲寒鴻列陣  
籬邊香冷菊垂金青年學道功名薄白首論交歲月深  
別後但憂成鄙吝敢虧忠孝一生心

蹉跎歲月仕途中紫禁秋深色正蔥防患高情憐范蠡

卧樓豪氣惜元龍紅垂村塢霜前柿翠合庭階雨後松  
清夜月明涼似水寒蟬聲裏思無窮

撥悶無如甕裏春那堪歸鴈望中頻交情淡淡平生友  
世態炎炎要路津寒夜青編存古道高秋白雪動梁塵  
歲時云邁慙無似惟把丹心拱帝宸

賡薛學士詩韻

玉堂無事坐清暉柳絮因風作雪飛紫禁鶯聲晴後滑  
赤霄雲葉午前稀兔毫閑運成珠玉雞舌長含侍鎖闥

慙顧非才膺寵渥中官又報賜新衣

簡友人姜貴憲

位重才微愧不充春冰危懼此心同宦途敢屬蒼生望  
稔歲良由造化功五十光陰驚白髮一生懷抱有丹忠  
前脩晚節尤闕意須向明時取令終

賜繡麒麟紅袍

麒麟盤繡上宮袍天寵非常不易遭一寸丹心惟報國  
平生精力在揮毫但思古道人情厚敢望前脩事業高

他日不慙綸閣地浩然歸老卧林皋

簡友人姜貴憲

一點葵心向太陽知非時候鬢成霜獨憂位重乖輿論  
深愧才疎乏寸長止謗有方惟自省避嫌無意但如常  
試看澗畔蒼松質晚翠依然異衆芳

絕句

自君之出矣四首

自君之出矣屈指算途遙知霜降後行李到邊營

自君之出矣明月長滿牕  
妾心似明月不用對銀缸  
自君之出矣春風不入戶  
見說蜂蝶殘何曾到園圃  
自君之出矣日望漢道昌  
安得邊塵靜從此罷秋防

偶書

玉堂清不寐盡日作秋陰  
閣吏傳將晚收箋罷細吟

玄妙觀會同年次韻

宿雨初晴月漏光  
琳宮桂子散秋香  
相逢盡是他鄉客  
一舉何妨累十觴

題張真人墨竹

數竿瀟洒出蓬萊  
共道仙人手自栽  
涼月滿庭閑玩處  
脩脩疑有鳳凰來

貌得琅玕真妙絕  
清陰恍若飛霜雪  
誰能裁作紫鸞簫  
吹碎鳳凰臺上月

夷齊

父命天倫不忍違  
弟兄辭國世應稀  
能存大義慙周粟  
萬古清風重採薇

晏嬰

相齊三世顯諸侯危行危言霸業脩知友仲尼能久敬  
論封何事沮君謀

衛鞅

變法初心只霸秦却言王道信非真貪商不悟羊狐喻  
車裂方知禍此身

平原君

好士能誅笑蹇人士如毛遂更無倫當時未解邯鄲厄



門下誰知却帝秦

和楊教諭

園花灼灼總新奇何事蒼松發故遲  
不向東風鬪顏色  
此心惟許雪霜知

題畫


素花香遶翠玲瓏石鎖蒼苔隱綠叢  
枝上寒皋窺錦雉  
羽毛驚動白蘋風

雲嵐深處數椽松下柴門對碧流  
記得山牕清夢破

落花香裏雨初收

題宣廟畫

蘆葉蕭蕭兩岸秋  
漁翁垂網在寒流  
揮毫自是天工妙  
意似磻溪欲往遊



古穰集卷二十二

欽定四庫全書

集部

古穰集卷二十三

四

詳校官編修

臣翟槐

中書

臣劉源溥覆勘

總校官原任中允

臣王燕緒

校對官中書

臣李棻

校對官中書

臣王瓚

謄錄監生

臣陳元熙

謄錄監生

臣趙位堂

欽定四庫全書

古襍集卷二十三

明 李賢 撰

和陶詩

停雲

一章

瞻彼停雲載風載雨有懷伊人  
道遠且阻慨彼莫耶燈  
前獨撫寄興寥寥黯然凝佇

二章

停雲既濃零雨其濛懷我良人阻海與江明月何來照  
我軒牕願言相憶不遐以從

三章

商顏之老言采其榮與子相聞不以過情矢心亦云各  
勉于征庶幾令終無忝厥生

四章

彼蒼者松不改其柯矧伊人矣保此天和保天之和於

我求多子不我輔將如之何

時運

一章

風其和矣零雨崇朝載歌載遊往彼春郊有魚在沼有  
鳶戾霄靄靄盈疇秀矣禾苗

二章

我般既潔我壘既濯時其育物可以留矚在在處處安  
往不足胄次悠然宣云獨樂

三章

有齒伊隨浴彼流沂風乎舞雩薄言旋歸少焉聽之長者顧揮寥哉高風莫予之追

四章

風雨其來息我敝廬簞瓢屢空悠哉晏如廬中之樂殊彼蓬壺清琴濁酒聊以起予

榮木

一章



榮木攸攸春光在茲宛其悴矣孰能戀之今我不樂將  
復何時光陰之速瞬息乎而

二章

榮木欣欣雨露培根天之生物栽者斯存而我何為棲  
此衡門由由與偕薄夫為敦

三章

嗟彼君子所居無陋卜隣伊何人惟求舊道充為貴學  
足為富于焉內省庶幾無疚

四章

晉室之輔有葉未墜如履薄冰兢兢其畏世無伯樂鹽車伏驥況彼參母亦惑三至

贈長沙公族祖

一章

君子之澤世遠則疎豈不念之同一厥初白日其晚歲月云徂各慎其身言莫躊躇

二章

美哉輪奐言考其堂克明厥德如珪如璋宗族聚斯永  
矣千霜祖武其繩邦家之光

三章

前烈有訓善與人同尋此墜緒障流以東古人高跡邈  
矣桐江夫何今人惟命之通

四章

在昔子騫人無間言遊於聖門難為泰山所以回也發  
此喟然凡我宗人孝友為先

酬丁柴桑

一章

作邑有道儼乎容止好善惟誠士輕千里竊有獻焉慎  
終如始

二章

道不易知民可使由豈弟君子憂民之憂民既樂矣我  
心則休崇酒於觴與子遨遊

答龐參軍

一章

林下優游伴我惟書有琴一張聊以自娛尚志伊何居  
我廣居不求聞達終矣敝廬

二章

惟儒何有席上之珍治人有道各親其親卷而藏之何  
求於人江上之鷗與爾為隣

三章

學如不及古人孜孜人百其能已則千之所業伊何讀

書誦詩伊既學矣云胡不思

四章

今宵風月與子平分我有旨酒歡然交欣孰云郢歌遏  
此行雲古人之妙今則不聞

五章

干將失雌在匣常鳴與子相別潸然涕零子之文章步  
武西京何以教我毋惜丁寧

六章

君子之德草上之風執其兩端於民用中必得其名高  
朗令終子其勉旃用省厥躬

勸農

一章

夫古后稷偉哉哲人樹藝五穀乃得其真教民稼穡萬  
世相因菜羹必祭粒我生人

二章

舜有五臣莫賢於稷躬稼既勤庶類乃殖啓我後人服

田力穡萬世賴之惟此艱食

三章

旦旦胥征載隰載陸零雨既收淑氣乃穆布穀催耕千  
耦相逐日既入矣不遑歸宿

四章

惟農之業可以恒久賢者避世亦惟耕耦嗟爾士女盡  
力南畝租稅莫逃勿為遊手

五章



力田乃豐不勤則匱捨此為生衣食何冀譬之學奕而思鴻至俯仰之間求無斯愧

六章

樊遲願學聖門相鄙士農異業勿乖所履各思其位莫出其軌農或士習乃就厥美

命子

一章

厥初我祖始侯於唐升為天子四表輝光豢龍陶丘歷

夏迨商因而姓之千載其昌

二章

惟縱既滅秦乃代周歷世隱德賁於林丘龍顏奮立乃  
止毒流偉哉司馬破代封侯

三章

祖含輔劉風虎雲龍山河帶礪懋昭厥功曰文而景有  
光其封潭潭相府邁於前蹤

四章

根株既培已茂其柯元鼎見削戶乃設羅惟運則然豈  
曰自衆在晉中業起我長沙

五章

嗚呼長沙乃懋厥德厥德不感受此方國王室賴焉孰  
敢潛忒豈曰今人古不易得

六章

世有顯人吾何為始偉哉武昌遺澤千里皇考繼之載  
安其止仕路有聲聞過則喜

七章

瞻望前烈子何能及艱辛備嘗未有成立矯性之偏佩  
絃自急將類卞和抱玉以泣

八章

凡事預立學貴及時五官之職在心曰思君子脩身尚  
念於茲儼其敬哉勿或怠而

九章

孔道如日老莊爝火君子為學取舍由我事親之孝曾

子云可勉旃真有何事久假

十章

人之良能觀此提孩伊既學矣告往知來嗚呼小子尚  
竭其才爾不竭才於我何哉

歸鳥

一章

有鳥來歸棲於舊林白雲依依亦在其岑抱甕之叟厭  
彼機心云胡不息惡木之陰

二章

歸鳥遲遲不能奮飛森森灌木載棲載依矧伊人矣豈  
不懷歸稅吾駕矣與世相違

三章

有鳥來歸遶林徘徊豈不高舉樂此故棲雙雙比翼其  
意則諧悠然見之愜我襟懷

四章

歸鳥遲遲林下蕭條日既久矣宿于叢標載戢其羽鳴

聲交交亦既倦矣云何能勞

九日閑居

茲辰值重九撫景高興生愛此田園居宜顧浮世名扶  
筇向東籬日映鬢絲明俯仰宇宙間適趣琴無聲悠然  
謝塵鞅從此畢餘齡難將一木力去支大厦傾孰謂林  
泉樂不如軒冕榮采菊泛濁醪陶然怡我情況茲未泰  
登因之慶西成

歸田園居六首

我本無宦情高興寄雲山農父相與隣力田過年年擷  
蔬向前園垂緡傍深淵孰知滄溟波倏焉變桑田懷彼  
陋巷人未達在一間三逕幸未荒五柳羅門前孤松落  
晴雲茅屋生暖煙瀑布瀉千尺渺渺匡廬顛對之豁心  
目逍遙有餘閒方尋點也樂曾次何悠然

其二

攜幼入我室羸馬脫歸鞅頻忘塵俗喧地幽無外想沮  
溺將並耕荷篠亦長往日上松陰清雨過菊苗長琴書



聊可親但覺此心廣力田躬荷鋤庶以除荃莽

其三

野外塵事少山中車馬稀既去市朝遠還遂田圃歸  
蘭茝紉作佩芰荷製為衣知己幸勿諠從今與世違

其四

地僻寡來往松菊聊自娛遂以林下室號為逍遙墟  
既絕鍾鼎念茲馬甘索居夜月琴一張春風柳五株  
醉卧北牕下其樂復何如詩成留答和吟詠趣有餘  
萬事盡

撥遣此心遊太虛軒冕豈不貴斯志予久無

其五

悠悠南山雲可以清心曲何必如廣受然後始知足悶  
來酒一壺閑來棊一局鷗鳥宜結盟皓月堪代燭縱飲  
忘夜闌不知東方旭

其六

井田廢已久平野皆阡陌力耕足自給我心良可適床  
頭濁酒熟開樽醉月夕人生安得常條如駒過隙素心

樂恬淡不為外物役  
室人頗勤劬  
明燈夜深續  
衣食免寒餒  
安敢望饒益

問來使

南山夕雨霽  
當曉凝雙目  
遠人攜酒來  
賞我東籬菊  
摘英別我去  
袖此霜中馥  
此去秋糯成  
新醪幾時熟

遊斜川

新春景候佳  
正宜行樂休  
因之偕朋侶  
去作斜川遊  
淡澹山色遠  
漾漾波光流  
弱苔鳴翠羽  
淺浪翻白鷗  
撫景

意俱豁何須問蓬丘挈榼有隣叟攜琴得良儔詩篇互  
賡詠酒杯同勸酬不知春事繁再得遊此否愜茲川上  
樂忘彼身外憂既醉各歸去曠然奚所求

示周續之祖企謝景夷三郎

知己不易遇既遇情歡欣同遊復同調超然物外人周  
子既深造祖謝亦相因顧我蹇劣姿敢期數子臻所惜  
道喪久賴有錙銖聞仲尼有明訓佩服寧憚勤願與二  
三子永結平生隣庶幾匡廬裔彷彿洙泗濱

乞食

晨屋炊煙冷悵然欲何之採蕨饑莫療去去安得辭黨  
有仗義士怡然迓我來烹鷄復炊黍且復羅酒盃慰余  
落寞懷酒酣賦新詩廩粟幸有餽惜我非凡才但願來  
年成勿勞為我貽

諸人共遊周家墓栢樹下

同遊宰樹下忽感雍門彈達者悟斯理遂以悲為懽衆  
人聞余言幡然俱解顏傾壺共茲飲人醉壺亦殫

怨詩楚調示龐主簿鄧治中

夙昔慕前脩行藏合自然天地為逆旅此身無百年法  
度在方冊中道不宜偏奈何益蹇滯辛苦事田園雖值  
年歲豐四壁空在廛適抱蒙莊戚淒涼成獨眠自非大  
聖資中情寧不遷興寄孤琴裏涕落寒燈前茅屋晨未  
啓寂寂無炊煙陋巷屢空者徒為尼父賢

答龐參軍

與君相識初洗耳聆雅言景仰在沂水荒唐非漆園賦

詩得深趣灑落忽數篇且與泛濁醪襟懷共悠然雖無  
紫霞想自可祛俗緣靜觀鳶魚樂斯理甚昭宣何時相  
招攜著履登廬山合并苦不易倏忽經歲年

五月旦作和戴主簿

歲晷無停運循環安得窮乾坤育萬物藐余亦在中緬  
唯賦與理初無嗇與豐踐形何寥寥黽勉繼前風子今  
佐百里善政克始終顏面無矜色憊然守謙冲為邑既  
如此治道豈不隆行看著聲譽可以齊高嵩

連雨獨飲

秋來鮮晴日陰雨何蕭然濁醪自斟酌寄興天地間  
酒中有真樂何必更慕仙我祖昔感夢八翼俄登天  
餘旆既垂後功業孰繼先予生時不遇暫出而即還  
所賴一壺酒陶然樂餘年慨今復懷昔此意誰同言

移居二首

其一

南村有良友因之徙吾宅從此往來易可以窮朝夕力



行富道德庶幾免人役俱無軒冕懷何必事割席志同道亦合素願酬宿昔永結平生懽沒世無分析

其二

知己二三子乘興輒題詩曲逕不可涉周道同所之  
所夕遂良晤各免長相思載酒共遊賞多在春秋時  
丘軻去云遠文豈不在茲嗚呼顏何人聖賢不我欺

和劉柴桑

達人貴安命何必更躊躇里有仁厚俗吾今已擇居  
顧

惟靜與壽築室倚匡廬相隣繞數家亦可成村墟屈指  
更歲歷畱田已堪畬汲汲事耕耨不敢辭勞勦生理雖  
蕭條濁酒安可無勿厭往來數莫使形迹疎開樽會文  
友古來共相須風月足清賞與君意何如

酬劉柴桑

嗟我承佳惠多君義已周况有珠玉句清如江水秋譬  
之嘉禾茂稂莠淨田疇厚德不可虛賡酬許我否何日  
攜琴酒同為山水遊

和郭主簿二首

長夏罕人事，移榻坐柳陰。  
清風時復來，為我滌煩襟。  
因之步幽逕，呼童攜素琴。  
雅懷當如何在？古亦若今留。  
侯善藏用，高風吾所欽。  
床頭酒已熟，與子且共斟。  
古來豪傑士，幾人遇知音。  
愛此林泉居，吾已投吾簪。  
懷君對明月，情同江水深。

其二

辭官非樂隱，所惜在名節。  
愛子襟懷清，有若秋水澈。  
我

居有松菊貞秀兩奇絕嚴霜萎草木二物挺相別卓哉  
歲寒姿彷彿類豪傑勁氣自莫摧非有長生訣感此諧  
我心開樽對明月

於王撫軍座送客

秋霜既已肅草木倏云腓茲辰啓華席送子將南歸舉  
觴相勸酬欲別情依依為郡紹前躅古人諒弗違大道  
日已隱世態良足悲遺愛如甘棠千載有光輝而我樂  
閑逸衡門自棲遲茲別隔山岳相思意難遺

與殷晉安別

憶昔初會時，盃酒接殷勤。  
倏忽已十載，交情晚彌親。  
所嗟久離闊，無由卜為隣。  
徘徊共攜手，行樂及茲辰。  
如何日欲暮，臨歧袂將分。  
不知自此去，相隔復幾春。  
人生無定迹，聚散若浮雲。  
我觀古賢達，出處各有因。  
君負長卿志，我甘原憲貧。  
白鷗為伴侶，天地一閑人。

贈羊長史

皤皤不復見斯民，但歡虞君今向關。  
陝為我訪遺書兩

漢存舊迹想見東西都望望入秦川商顏正當踰綺皓  
有遺廟佳氣還扶輿斯人雖已沒名與天壤俱椒漿可  
致奠不必久踟躕深谷空逶迤紫芝今何如閑雲翳層  
嶺零露盈春蕪弔古動高興幽景良足娛若人去云久  
塵世迹已疎我亦欲遐覽一使襟抱舒

歲暮和張常侍

歲華倏云暮空山響寒泉與君闊別來莫遂同話言霜  
菊既云謝松桂亦已繁四時更代易氣運良無愆齊君

一何謬淒然泣牛山遂令偷生者乃欲鍊九還我久遠  
塵俗肯使虛名纏及時須行樂何必窮百年知非勿憚  
改見善宜速遷一盛還一衰物理固其然

和胡西曹贈顧賊曹

仲夏宿雨收當晨送輕颼杖履陟丘隴涼氣襲我衣清  
興悠然生因之歷翠微茫茫宇宙間不能忘憂葵尚念  
魯中叟鳳德何其哀空有奮揚志未得天戈揮魚龍失  
雲水非由見事遲達人能悟此撫志良足悲

悲從弟仲德

獨步當深秋木葉正飄零感此淚承睫傷懷在幽冥往  
事已如夢安得忘平生伊昔鴈行日風采令人傾藻思  
發篇翰渾然若天成氣完神亦爽滿擬到百齡蒼蒼誠  
叵測令我慟失聲雨苔翳行徑寒蠶怨空庭杳杳夜臺  
閉悠悠古今情人生天地間終然當委形詠彼急難詩  
惻惻幽思盈

始作鎮軍叅軍經曲阿



秦灰既云冷無由見全書所以古人行今人多不如予  
茲辭畎畝駕言適通衢暫使襟宇擴敢言農事疎一覽  
前古迹使我胷中紆高賢將有遇得以開緒餘念昔西  
河老幡然謝索居楚纍良足悲委身莖江魚古來豪傑  
士安可繩墨拘君看卧龍人未必終草廬

庚子歲五月中從都還阻風於規林二首

悠悠返行舟異鄉非我居興盡復來歸夢覺心于于我  
非汗漫遊何必窮海隅歸心逐去鳥風波阻脩途不比

鷗夷子扁舟向五湖舊宅有松菊秋色未蕭疎西城薄  
有獲無勞事贏餘開樽會隣曲幽樂當何如

其二

山川恣遊覽不歸將安之行止任自然何必有定期僮  
僕守成訓依然順農時雖無盤杆銘此心恒在茲歸來  
對松菊卮酒安得辭滄洲尋舊盟鷗鳥勿相疑

辛丑歲七月起假還江陵夜行途中

青年志已乖甘心在沈冥田園有真樂雲路無宦情茲

馬將安之前途渺莽荆不仕恐無義聊復念蒼生蒼生  
未蘇息何時睹文明乃今成大謬此恨安得平紛紛馳  
車走上下方交征君子當見幾云胡不歸耕北牕延清  
風吟懷無別縈人生貴適意何必身後名

癸卯歲始春懷古田舍二首

其一

古來耕耨勞耒身已踐四體良亦劬歲歉饑不免沮  
溺今安在懷賢興何緬我咏豳風篇預立斯為善允矣

人事勤勿云天道遠所以避世心長往竟不返有酒斟酌之此興良不淺

其二

哲人達時命未遇亦安貧我懷沮溺儔寧憚四體勤躬耕有莘叟道可覺斯人三聘苟弗至天下何由新君子有其具無往不歡欣向無古人志豈望居要津我釀辛已熟開樽召比隣同醉茅簷下自此葛天民

癸卯十二月中作與從弟敬遠

子期既不遇伯牙絃已絕山中少人事柴門晝長閉  
漠寒雲低紛紛忽飄雪喜與林下士襟懷共清潔  
詩酒有餘興盤飧無盛設因歌棠棣詩我心足怡悅  
既篤友于好各思繼前烈吾愛東籬花清香存晚節  
得意欲忘言奚較工與拙予心雖坦然涇渭寧無別

乙巳歲三月為建威參軍使都經錢溪

古人英華發良由和順積果能躡前蹤未必今匪昔  
安得九霄上矯然奮六翮宗社孰扶持忍使中原隔  
試觀

春秋人尚報東門役而我處畎畝坐閱歲華易蓄志嗟  
莫申此意向誰析孔明去云久空憐廟前栢

還舊居

昔年離舊居未卜何時歸迴首又六載歸來情益悲迷  
途尚未遠今是而昨非永固林下盟從茲與世遺琴書  
聊自遣鷗鳥還相依懷沙嘅屈子捐軀悲介推我懷寄  
雲山塵世任興衰毫端有新句不妨時一揮

戊申六月中遇火

山下結茅屋幽居慕羲軒回祿爾何酷一宵忽見燔藏  
無商丘富火焰孰敢前鼓勇無所措用智徒爾圓五行  
失其性造化誰能還蒼蒼不可問何必求之天人事恐  
未盡脩省慎餘年或疑造物者無乃惡投閑金石不可  
變此志惟貞堅動心復忍性吾但力吾田開樽對山月  
既醉還復眠天運既如此行將徙南園

己酉歲九月九日

每歲值重九會此林泉交但堅松栢搃寧論蒲柳凋何

必惑仙術攜家去登高長吟時染翰短翮難冲霄愛此  
晚節花不知身世勞有琴久無絃何論琴尾焦衆客互  
酬勸既醉樂陶陶且盡今日歡誰復知明朝

庚戌歲九月中於西園穫早稻

西城幸有穫喜色在眉端勤耕此其報何敢偷自安所  
以齊晏子乃對先王觀舊藏既云罄新儲欣復還饘粥  
諒可給補綴聊禦寒我誦幽風詩稼穡良獨難力田既  
自足於人何所干新酒釀初熟一樽共開顏樂此塵外



居世榮非所關莘野千載心喟然發長嘆

丙辰歲八月中於下潞田舍

我有下潞田近在南山隈  
竭此耕作勞晏安非所懷  
今焉歲云熟西穫願已諧  
飛飛田間雀喔喔林外雞  
遠村夕陽下高樹涼飈迴  
我懷古賢哲貧賤亦可哀  
人生憂患多笑口不易開  
余茲老田畝心事任推頽  
唐虞去已遠吾道一何乖  
匪慕鴻鵠舉聊學鷦鷯栖

古穰集卷二十三

欽定四庫全書

古穰集卷二十四

明 李賢 撰

和陶詩

飲酒詩二十首

其一

尊中既有酒開懷樂飲之人生穹壤間出處各有時陰陽遞消長達人恒鑒茲咄彼乾沒徒終身事狐疑君子

守正命軻言良自持

其二

帶索憐榮啓行歌依太山當年逮九十三樂非空言貧  
固士之常怡然度流年斯可敦薄俗千載清風傳

其三

世榮寡所慕雅有丘壑情既同鹿門隱安論沒世名愛  
此尊中物陶然過一生世道有隆汙言之心為驚分陰  
未能惜悠悠何所成

其四

幽樹集羣鳥，倏焉各驚飛。  
驚飛不顧返，使我中心悲。  
恐非栖止處，豈不失所依。  
我行歲云暮，薄言此旋歸。  
撫我庭前松，勁擗恒不衰。  
永言固深盟，歲寒不相違。

其五

門前蔭五柳，聞然無塵喧。  
支頤坐中夜，明月忽已偏。  
既睡還復醒，朝暉映南山。  
攜壺向東籬，獨酌欲忘還。  
欣然對黃花，此意同誰言。

其六

君子唯蹈仁志在成其是所以三代民誰毀復誰譽今  
何獨不然令人徒莞爾况復厭菽粟紛紛競紈綺

其七

賞菊東籬下盈杯泛其英一觴未及醉悠悠今古情安  
得遇知己幽懷與之傾日下林色暝歸鳥相和鳴靜觀  
萬物樂吾亦樂吾生

其八

衆卉倏凋謝孤松見貞姿凜凜歲云暮挺此霜雪枝君  
子夙有稟節搢同一奇惜哉老丘壑謝彼梁棟為於焉  
樂蕭散誰復能絆羈

其九

曙色上林杪柴門已云開隣翁携酒至慰我平生懷謂  
我胡不仕恐於大義乖歷觀古賢達未必終幽棲況予  
有遠志何必混途泥翁言意良厚我情非所諧簡書有  
夙訓前途安得迷君看倦飛鳥多戀故林迴

其十

樂茲桑榆景翻思在東隅我昔驅車出冒行荆棘途康  
莊在何許不得遂長驅歸來卧北窓一枕清風餘安得  
屈夫子相與論卜居

其十一

憶昔顏氏子獨聞夫子道道既早有聞壽何貴於老非  
如莊叟談心灰形亦槁雖處陋巷間長使顏色好富貴  
如浮雲仁義自為寶嗟我何所求高情在物表



其十二

孔子無不可斯為聖之時所以游夏徒不能贊一辭藐  
余千載後取則良在茲但恐盛德事反使傍人疑先正  
亦何人庶幾不我欺嗟爾營營者舍此將安之

其十三

吾性頗樂飲深識醉中境况居蕭散地宜醉不宜醒詩  
成無與和意適還自領醉後饒篇章聊以托毛穎我觀  
先哲文丹青垂煥炳

其十四

古人夙有戒履霜堅冰至斯理吾豈昧一觴且復醉撫  
景聊自娛時還豁胃次世榮何足慕天爵良可貴隣父  
相與歡深得酒中味

其十五

我屋甚荒涼還同子雲宅扶筇玩浮雲舒卷渾無迹彭  
鏗去已遠人壽誰過百愛此籬菊黃寧論鬢絲白有酒  
斟酌之年華何足惜

其十六

我觀古之人耕鋤亦帶經不為外物役學道斯易成柰  
何夸毗子作事多紛更乃欲希古迹豈不隔逕庭顧余  
亦何為聊復以詩鳴終朝自吟諷庶以陶吾情

其十七

深谷有幽蘭清香發天風君子不採掇傷我寸心中人  
生信有命脩己任窮通欲試養由藝今且藏吾弓

其十八

我口同斯味易牙乃先得安得魯中叟解我心中惑人  
道未能盡吾責安可塞不有君子人何能以為國有酒  
且復飲既醉言亦默

其十九

力田不自給聊以干祿仕軻書有成訓為貧非枉已乃  
知鄉里兒折腰良可恥因之抽吾簪浩然返田里況今  
歷年歲但以甲子紀黍流固將行遇坎還宜止詩酒幸  
有托此外復何恃

其二十

六經不可尚誰復得其真後聖如有作再使風俗淳憶  
昔周邦舊文王受命新何意繼周者而乃在強秦遂使  
寰宇內紛然渾泥塵卯金成事業為之亦辛勤仁澤被  
四海皇天固無親萬物已枯槁生意復津津吾今處閑  
散有此漉酒巾清風北窓下自謂羲皇人

止酒

四時足行樂飲酒胡可止春鳥相和鳴載酒綠陰裏夏

日清風來對酒二三子秋菊籬半開酒至情偏喜冬雪  
滿園林酒價紛然起止酒果何如君當察斯理親交頻  
往來況復遇知己酒既不可止吾量亦無涖杜康安在  
哉我欲立其祀

述酒

儀狄造旨酒古來人共聞杜康得妙術美已極十分我  
性獨嗜此萬事皆浮雲斯人安在哉無由酹其墳念此  
心戚戚對酒當清晨木石豈有知鷗鳥相與馴人生天

地間飄飄遺此身子房志有在忠義良殷勤事錙非素懷  
終然報韓君脫身從赤松芳名久彌薰而我竟何為作詩  
綴空文周鼎久已沈一朝出河汾安得魯連子為我解其  
紛撫事但興嘅杯酒聊復親古人去云久後世儔能倫

責子

為人體忠信相副名與實學文在餘力無徒玩紙筆各  
宜勉爾志求與古人匹苟不勤詩書致身那有術我言  
徒諄諄十不記六七譬之壠上苗結秀在堅粟賢愚且

聽天不須嗟造物

有會而作

我室類懸磬稚子恒啼饑豐歲尚窘食瘠軀那得肥傷  
哉古之人淒涼泣牛衣此事若親睹此情良足悲窮達  
固有命奚論是與非豈無子孫慮顧今將何遺懷彼鹿  
門隱誓將與同歸去去龐德公真為百世師

蜡日

農人蜡祭畢聚飲情偏和老翁扶醉歸顛狂若風花傍



人勿相笑歲稔歡樂多不見堯時叟亦有擊壤歌

四時

春醉門前柳夏登江上峯秋吟籬畔菊冬撫逕邊松

擬古九首

其一

憶昔送君日折贈門前柳黯然離緒牽別來已云久嗟  
彼市道交念此金蘭友願為秋暮期同醉菊花酒古人  
重然諾斯言莫相負相思意何長相見情更厚世態趨

炎涼君心諒無有

其二

羣兇竊漢鼎炎運迄將終乘輿西播遷紛然起兵戎夫  
何幽州牧未忍同奸雄卓哉田氏子獨存忠義風奮身  
赴國難寧顧前途窮歸來畢其事去隱深山中

其三

南方有玄鳥隆冬穴丘隅春社甫云過雙翼仍北舒所  
之有定向翩翩入舊廬但恐去歲巢損壞不可居孤村

朝雨歇銜泥遍春蕪殷勤在育子返報當何如

其四

雨餘朝氣清登高覽八荒安得如季路去升夫子堂一  
一尋墜緒吾意亦茫茫道妙不可得空遊文翰場光陰  
坐將老倏忽在北邙古來歌舞地禾黍互低昂未必雍  
門周鼓琴得其方能令孟嘗君慷慨為悲傷

其五

吾非公子荆為室亦苟完時復醉濁醪無暇整巾冠簞

歎頗云樂我心欲希顏白雪任來往世好非所關玩茲東籬  
花清興發毫端懷哉太古音有琴何必彈誰云荆枳叢可以  
棲鳳鸞天命人莫違奚論饑與寒

其六

庭樹一何茂風霜忽來茲萬物有盛衰人生貴知時我欲登  
太山臨流玩清溜彼中多名士欲往還復疑相逢不易合路  
遙非所辭念此興嘆息悠悠勞我思君子貴一誠終身行不  
欺前修有正路千載同所之筌蹄亦何為得意已忘詩

其七

曉庭宿雨收安坐養天和  
有懷未能已悠然發浩歌  
古來賢達士寂寂何其多  
商也樂聖道心猶蔽紛華  
邈乎千載下頽然將奈何

其八

塵事弗我嬰林間足優游  
緬懷我前人雄才鎮八州  
豈知門祚微不能繼風流  
歲月能幾何零落歸山丘  
哀哉箕夫子悲歌去朝周  
百世固相感我心何所求

其九

作詩陶吾情豈謂觀風採所以句工拙吟罷不復改魯  
連耻帝秦乃欲蹈東海顧我席上珍不聘還相待思唯  
正路由遁世夫何悔

雜詩十二首

其一

郢中白雪調歌聲動梁塵欲以盈觴酒樂此百年身悠  
然放扁舟鷗鳥來相親結盟煙火上與爾長為隣愛爾

遠塵俗滄洲度昏晨形雖羽族微行藏類高人

其二

初霜將授衣木葉飄秋嶺行吟未能休愛此籬邊景白  
衣送酒來解我襟懷冷蒯氏亦何人作詩名雋永其於  
聖賢樂茫然如捕影鄙哉戰國術縱橫任馳騁胷中何  
擾攘無由定而靜

其三

榮辱與得喪前運安可量進退一從容吾愛張子房傷

哉淮陰侯俛首入未央非無報國心如藿傾太陽安得  
秦時鏡為我照衷腸

其四

古書乃糟粕見笑斲輪老吾惟效明哲此身貴能保歲  
豐喜困盈雨綿幸薪燥此外復何求農事宜及早團藥  
在一室兒孫喜盈抱區區利名塲於我何足道

其五

知命恒自安何必復猶豫豈無雲霄翮軒然一騰翥古



人能見幾往往拂衣去枕流清我心冷然洗塵慮老農  
信有方宣尼嗟不如茅屋帶烟霞樂此林下住適興時  
復吟不離栖遲處俯仰穹壤間貧賤夫何懼

其六

行年已五十知非心自喜欲如張子房願棄人間事處  
世亦多端安得每如意歲月如水流暮景忽然值白髮  
不再黑隙駒一何駛田園雖不多聊為子孫置

其七

歲華忽云徂暮景桑榆迫農家望西成禾黍盈阡陌即  
此遺子孫亦何愧清白心與天壤寬斗室未為窄隣翁  
來共飲不知主與客坐待明月升來照吟翁宅

其八

農時我扶犁蠶月婦勤桑衣不充布帛食寧厭糟糠雖  
無陳蔡阮終歲幾絕糧天災莫能測或雨或愆陽坐此  
拙生計未能免憂傷濟已尚無術活人那有方每荷南  
隣叟邀我共壺觴

其九

人性詎可昧我欲充四端改過在無吝見善當自遷譬  
彼幽谷鳥飛上喬木顛所以古之人黽勉各加食就茲  
林下樂永絕塵世緣富貴非吾願聊賦歸來篇

其十

早年願求道言不聽無稽潛心事編簡結茅在陰崖有  
酒乃獨酌拍拍春滿懷慚無顏氏嘆仰之高復彌但恐  
中道畫工夫竟支離聊欲試絃歌柰此塵纓羈浩然賦

歸來初心終靡虧

其十一

浩歌明月下風度酒尊涼  
尊空人已醉歌聲疑遶梁  
顧我奚所樂所樂在醉鄉  
秋菊有深意盈盈傲清霜  
明日東籬賞更覺吟興長

其十二

會稽褚先生中山管城子  
兼有陳玄輩相親復相倚  
各能盡所長助我精文理

詠貧士七首

其一

托身在何所茅屋聊相依  
苔蘚積行逕松蘿帶斜暉  
臨流嘆魚躍冲霄羨鴻飛  
飛躍各有適吾今豈無歸  
柰何拙生理不免寒與饑  
貧者士之常此事安足悲

其二

靜觀萬物理澄心坐南軒  
落英已滿地新蔬復盈園  
夜庭來明月曉屋未炊烟  
輪蹄寡來往簡編復窮研  
君子

能固窮吾遵宣父言請看七十子誰如回憲賢

其三

伯牙古賢士高情寄孤琴子期匪常流聽之乃知音寥  
寥千載下斯人安可尋濁醪誰與共偶爾成獨斟夷齊  
去云久清風良足欽我今知所歸安此固窮心

其四

百步見秋毫自昔稱離婁未能若斯人夙志那得酬  
志豈在目心明萬物周萬物各有托貧窮復何憂黔婁

沒已久舉世無與儔九原如可作吾心安所求

其五

中心嗜編簡外物非所干家貧欣有子身輕喜無官詠  
彼伐檀什不能安素食所以辭祿歸甘此饑與寒仁義  
存我心長有好容顏富貴如浮雲悠悠詎相關

其六

人間利名場紛紛如轉蓬卓哉張仲蔚身窘文則工閉  
戶絕交往相知獨劉龔清談夜忘寐志意欣與同道腴

有深味何暇論窮通堅此平生好旦夕期相從

其七

昔聞徐孺子高風擅南州豈無侔儻士邈焉無前儔所  
以陳蕃榻不肯下凡流當時有高識深為蒼生憂亦欲  
迴狂瀾斯志竟難酬吾生千載後徒茲慕前脩

詠二疏

二疏昔見機解綬同歸去當時富貴者詎識歸田趣譬  
之鳳凰鳥千仞見高舉紛紛道傍人嘆息兩賢傳能以



仁為宅復以義為路賜金亦云多君儲兩深顧明此代  
謝理匪為邀聲譽行行適桑梓去去遠塵務生理不足  
論延賓暢情素知止斯無殆明哲當早悟幸有舊田廬  
非無子孫慮後人繼高躅賢名亦同著

詠三良

三良昔事君志期補闕遺所以各獻忠殷勤在防微眷  
任日益隆隨君侍燕私腹心既已托謀謨入彤帷君恩  
有如此臣職胡敢虧生死各有命安能與同歸古無殉

葬禮斯事誠乖違治命弗克遵霸業何足希傷哉黃鳥  
篇深為斯人悲諷詠未終什能不淚沾衣

詠荆軻

荆軻戰國士志欲擯秦嬴適逢燕太子尊之位上卿欲  
報強秦讎慷慨赴咸京藥淬匕首利懷之乃西行臨岐  
慘將別清吹飄華纓忽爾哀筑起座上悲羣英涕下不  
可遏乃復為羽聲壯士志激烈誓死不顧生白虹忽貫  
日見者心為驚挾彼秦舞陽同取蓋世名函封督亢圖

拜獻秦王庭利刃堪豪主愁雲壓重城惜哉事莫濟徒然費  
經營白茲速燕亡咄嗟何所成至今易水歌徒傷千古情

讀山海經十三首

其一

柴門掩晴晝往來人跡踈茅簷蔭槐柳鳴鳥近吾廬不  
為彈鋏歌奚愁出無車小圃時雨霽提筐剪春蔬有酒  
還自斟心與天壤俱覽此山海篇一一玩其圖試問風  
月侶知我意何如

其二

王母居瓊臺靈丹註童顏種桃瑤池曲結實三千年朝  
遊蓬萊島暮住崑崙山方朔今安在誰從問斯言

其三

槐江在何許琅玕遍山丘崑崙隔西南邈矣難與儔  
鬼瞻紫氣洛洛見瑤流荒哉穆天子八駿曾此遊

其四

崑山產丹朮益壽同昌陽丹泉出其下汨汨源流長就

中多瑜瑾潤澤生輝光玉膏可為饌曾茲饗軒黃

其五

青鳥何翩翩素為王母憐奉使不辭勞取食還崑山我  
欲裁素書贈以中心言欲得賜桃實為我延長年

其六

東溟浩無極云有扶桑木根盤數百里枝葉蔭陽谷咸  
池若鼎沸太陽方出浴忽焉升中天萬象無不燭

其七

赤水有珠樹玲瓏散清陰八桂番禺西森然成巨林鳳  
舞翻綵芭鸞歌揚妙音無由生羽翮徒興遠遊心

其八

有國交脛東其人年命長非啖不死藥稟氣自異常若  
無奇泉水必有異種糧天地共悠久所樂殊未央

其九

神人有夸父追日極奔走窮力在虞淵斯志終見負渴  
飲河涓枯涓滴亦無有棄杖為鄧林空傳百世後

其十

炎帝有少女因遊溺東海化為精衛禽怨魄固常在日  
銜西山木填海誓無悔海枯恨始平千載恐難待

其十一

溟海饒物怪未能悟斯旨無乃與中土所稟異生死欽  
鵠殺祖江惡跡不可履鵠鶚與竄竄不善亦何恃

其十二

拒山有鵠鳥吉凶驗其士國士苟見逐此鳥必來止物

能先示兆見者必憎爾奇鳥生青丘願言來育子

其十三

臯夔不易得自古難其才西伯有聖德子牙乃歸來後  
世匪無士庸君多忌猜丘軻終不遇吾道亦悲哉

擬輓歌詩三首

其一

人生百年中日月何迫促但恐無實行後世不足錄死  
生如夜旦榮悴同草木昔聞子產死鄭人多巷哭惟知



生時情非望死者覺從今歸大化更無榮與辱役役久  
在世此心何時足

其二

光陰瞬息去安得久舉觴食味雖滿案吾唇不能嘗但  
念琴尊友何忍舍我傍名節幸不失簡冊生輝光自慚  
吾之善何以蓋一鄉寂寞泉臺閉長夜殊未央

其三

纔看周六甲素髮已飄蕭況餘幾寒暑不復戀樂郊空

祝南山壽南山自岌羗草木雖零落春陽發枯條人沒  
不再生日暮還復朝日暮還復朝逝者其如何魂氣將  
安之豈復還其家哀哀執紼人薤露徒興歌惟有清宵  
月流輝照巖阿

聯句


大鵬因風起遨遊隘八極若非風歇時健翮未能息吐  
彼藩籬鷗自謂有餘力一飛尋丈間胡可妄夸飾騏驥  
困鹽車長鳴達路側蛟龍既失水何以生羽翼我欲補

衮衣有線成五色用舍姑伺時素心諒無惑

桃花源

武陵桃花源邈矣隔人世祖龍流毒深秦人從此逝君  
臣道雖乖父子倫不廢桑麻接墟里林泉任遊憩奉先  
潔蘋藻課子匪文藝永結比隣歡夙駕久已稅樹顛有  
鷄鳴花間聞犬吠柴門倚山開衣服隨身製物外自成  
村世人孰能詣川平土氣和老稚無札厲草木遞榮枯  
因之驗時歲禽鳥聲相和猿狖性多慧當時商山隱同

此遠塵界仙源不易尋  
白雲重遮蔽漁郎獨何幸  
能造塵境外再訪不可得  
徒此感神契



古穰集卷二十四